

四部文明

文懷沙主編

隋唐文明卷



西安曲江文化產業投資集團支持

(五十三)

陝西震旦漢唐研究院編纂
陝西人民出版社

四部文明

文懷沙主編

隋唐文明卷

五十三

陝西震旦漢唐研究院 編纂
陝西人民出版社

隋唐文明

第五十三卷目錄

全隋唐文三

欽定全唐文一千卷（二）（卷一至三九）

〔清〕董誥等纂

三

全隋唐文

三



〔清〕董誥等纂

欽定全唐文

景印清嘉慶
內府刻本

御製全唐文序

天地大文日月山川萬古昭著者也人受天地之中以生經世載道立言牖民觀乎人文以化成天下文之時義大矣哉我朝右文圖治一道同風

欽定全唐文序

一

皇考欽定四庫全書嘉惠士林頒行海宇固已家絃戶誦久道化成無遠弗被矣予近得唐文一百六十冊幾暇披閱覺其體例未協選擇不精乃命

儒臣重加釐定每得數卷親

定去留仍從四庫全書及永

樂大典古文苑文苑英華唐

文粹諸書內蒐羅採取普行

甄錄而原書內亦有誤收之

文及有闕風化之作悉刪除

欽定全唐文序

二

不載偽周編造之字皆改正

之累月經年共成書千卷文

萬有八千四百八十八篇命

名曰全唐文敬遵

聖祖仁皇帝命名全唐詩之意也

夫三代以上典謨訓誥四子

五經皆大文也漢魏兩晉及
前五代漸涉浮靡清談亂政
至唐起八代之衰彬彬郁郁
以文輔治用昭立言極則非
徒獵取科名之具也世道人
心日流日下舍正趨邪者不

欽定全唐文序

三

可勝數良可慨也故予之輯
斯全唐文示士林之準則正
小民之趨向也書内存釋道
諸文四十餘卷非二氏之學
乎殊不知今世奸惡之徒創
為邪書蠱惑癡愚併二氏之

不若也文章為政事之大本
從身心性命中發出所謂言
者心之聲也正人所言皆正
所行皆正正文風以端士習
端士習以厚風俗相因而至
經正民興理不易也有唐一

欽定全唐文序

四

御定全唐詩例備載五代帝王臣
工文所謂述而不作也至釋

道之章兕偈頌等類全行刪去以防流弊以正人心書既成書數語於簡端使天下士庶曉然知予輯全唐文之本意屏斥邪言昌明正學咸歸正道共登右文盛世是予願也

欽定全唐文

序

五

嘉慶十九年閏二月十二日

聖闡右文七閣奎光普誦讀茲幾

御製讀全唐文詩

十一

御製讀全唐文

載道以文章全唐羅冊府書

城作大觀四庫可小補諸體

皆畢臻堪為政治輔房元杜

如魏徵陸贄儔忠告昭法矩

希

餘居今勉稽古康熙年間

祖仁皇帝發內府所藏全唐

詩補遺得四萬八千九百

餘首輯成全書九百卷頒行

海內四庫全書高宗純皇帝

藝林者允稱極盛矣惟唐文

未全書採觚家無由博觀

美備六十冊予幾有繕本唐文其一
百六十一冊協選擇不精乃命儒
臣重加釐定每得數卷親定儒
去留仍從四庫全書及永樂
大典留仍從四庫全書及永樂
料諸書內蒐羅苑英華唐文樂
錄而原書內誤收之文及有甄
關風化之作悉刪除不載累
經寒暑共成書一十卷文載萬
有八千四百八十一篇敬遵
聖祖命名全唐詩之意

御製讀全唐詩

二

名曰全唐文並付剞劂傳諸
久遠於四庫全書不無小補
云有唐一代人文蔚起撰述
家不下三千四百餘人其間
言與行違者或嘉謀不免如
房元齡之善建嘉謀杜如晦
之能勸大忠言魏徵之匡過
違陸贄之忠言魏徵之匡過
是以陸贄之忠言魏徵之匡過
昨讀唐名臣奏議垂為法矩
論有闕監戒者不議曾擇其
首是編薈萃菁華極唐人著

作大觀實為四庫中所應收
之書從前書不建七閣卷軸
之富輯古所未有予仰希
讀之聖軌敬闡不昧欽文謨
嘉慶二十三年十月二十日

御製讀全唐詩

三

經筵講官 太僕 文華殿大學士 文淵閣領閣事 尚書房行走 稽察 董誥等跪

奏為奉

勅編輯全唐文告成恭呈

睿覽 臣等謹奉

表恭

進者伏以

乾符啟維八風賡循道之章

泰莢呈嵩六寓煥同文之治

引珠光於斗極聯曜台階

欽定全唐文表

揚玉彩於河潢滙流瀛甸華飛沈露鏘鳳吹於琅函奧

衍叢雲秘龍威於瓊笈文甄一代錄著千家 臣等誠

懽誠幸稽首頓首上言竊惟崇山宗海曾緘蕭統之

文概日凌雲夙勒徐陵之序綜逸編於楚漢壁碎璣

零標麗句於齊梁花明雪潔探驪秘閣孫巨源窺宛

委之藏檢靈經龕韓無咎緝瑯嬛之富錄名臣於晉

代紀能賦於梁園歐陽類聚之編虞監書鈔之博靡

不家提玉尺人擅金鏡淵掣鯨鬚巖遶羈遶自咸

通類表始斷代以成書長慶題名因並時而合集三

百家叔陽之彙纂部次州居五十卷吉甫之編排綺

交錯錯擷羣書之麗藻絳闕瓊華披寶刻之叢章雷

文雲篆豈獨名傳搜玉英靈配河嶽之篇句綴聯珠

伯仲奏壘篋之雅題襟漢上簡牘麤存名集篋中菁

華偶拾然而晏元獻之續蕭選殿唐彥於陰何李康

成之倣徐編冠陳文於盧駱子明已邈誰珍昌谷之

才公武不逢難訂下賢之冊從未有始終條理萃二

十帝而文集大成鉅細包羅統三百年而書釐全帙

廣求鉅本重付衆雕如

欽定全唐文表

今日者也欽惟

皇帝陛下

金鑑澄懷

珠囊朗握

炳辰樞而叶緯太乙揚輝

膺甲錄以恢綱先庚渙號交華同穎

鴻章提萬代之文衡紀事編年狐史

正百王之道統光浮綠錯十華編玉之藏蘊闡丹壺四徹

中繩之博素牙朱帶迴

睿照於丁函青玉白銀匱

聖聰於丙夜

攬八代文章之府響震盛唐

嘉千秋柱史之林根盤仙李仰惟

聖祖仁皇帝軒琴協雅宣六義於龍蹲

虞管諧韶播八音於夔拊一十函編周甲幹詩式駢羅九百

卷架列壬籤唐音統貫

續承

前聖緝詩文而言各一家潤飾

欽定全唐文表

三

鴻猷合唐虞而書成二典自昔晉陽雲起同時多接武之

賢祇今奎度星明

盛代布右文之教爰

勅蘭臺羣儒同務編摩

特頒芸閣瓊篇俾勤校勘溯自楚天遺珮童蒙拾芳草之

枝漢代留盤髦譽守繡絲之製鄴中七子較班馬以

風漓江左六朝暨陳隋而體濫大抵竽吹一一鳥說

同同鼓萬竅而共聲錯千遠而合軌疇能復古返大

輅於椎輪爭事翻新薦雕盤以華實於是紫虹貫斗

白雀栖牙天人開鴻藻之章上下競龍騰之管丹青

帝製作者七人纂組臣篇都為千帙坤闡黼翰光分

團扇之娥震殿瑤箋彩接翦圭之彥詠霓裳於重陛

臺閣摘華載漁具以扁舟江湖擢秀蕙心蘭質紫芳

緒於旋機象教羽流演靈文於真籙推之雅陳卷伯

款納車師亦各同分繡虎之才共握靈蛇之珮有石

室縱橫之筆有金閨博麗之英有凌顏轡謝之雄有

演緯摹元之手聳壑昂霄之質峭拔千尋渡河孽海

之辭雄奇萬狀瓊杯玉笋侑之以元酒大羹覲服銖

欽定全唐文表

四

衣佩之以純鈎巨闕盧牟祖構乎甲新裁接萼承跗

春華歸於秋實鈎心闔角人巧匹乎天工統元會為

機鈴作古今之綜軸是則不觀解尾無以驗陽冰陰

火之同生不到渭源無以徵內籙外鷄之並育謂柳

韓變燕許詎知伯玉之首鳴謂說頤變王楊未識嘉

謨之前導萃四門之子弟私淑尚有孫劉濬萬古之

江河遙溯非無李段彼崔蘇美錦可方宋沈良金而

小杜雄鋒亦抗中山峻辨別有猗玗洞口名標酒漫

漁聲絳守居中字詭瑤翻碧澈莫不五家五隊耀金

欽定全唐文表

五

翠之大觀四正四奇極鳥雲之幻態而況鷄林貫去
豐碑照九譯而遙麟屬持來寶翰壓千門而徧百家
騰躍萬手傳鈔乃陶叔獻之所收香難復識若賀志
同之所採俚又堪譏攬姚氏之一編漏張登之三賦
而且專取古初之格都刪偶儷之言翻磨吏部之碑
轉益文昌之碣自消其例謂談理而體爽正宗徒發
其凡謂論文而訣非崇古蓋必全犧解後千蹠嘗來
而後駢散可別其裁盛衰得提其要開國聚匡劉之
輩議禮即以考文頽風沿宣懿之朝知人匠之論世

指示

親定體裁

詔廣旁搜

許窺中祕龍賓虎僕儲緣素於

西崑玉躋金題探圖書於

東壁集成萬卷嶽峙淵涵永樂四聲繩聯珠貫輿圖曉

欽定全唐文表

六

展金壺流翠墨之香薄錄宵陳鐵網貯紅珊之影聲
珠林之三藏貝葉芳華抽雲笈之七籤芝函潤挹豈
但書憐劉宋憑劉氏以訂全文史校薛歐資薛編以
存遺策共覩豐城之寶氣迴徹層霄始知懸圖之瑤
華遠超羣玉由是聲蜚大筆搜燕國之遺文譽妙輕
縑補曲江之雅製檢嘉祐平原之刻備美吳興訪靈
巖北海之碑拾遺山左權文公絲綸世掌九年之內
制重哀劉賓客珠玉家藏十卷之佚篇復合一品勘
會昌之集增以撫言三縑酬皇甫之才掇諸大典樊
南則表箋總括快乙集之新排江東則掌記久湮辛
讒書之可購他若青茸白腋綴成皆黼大之章黃鼓
赤瑛拈出盡圭同之瑞其人總總其旨多多驚臺鷄
樹之宣鳳口鹿盧之勅內相則蓮藥夕拜中書則薇
省晨趨校自史宓次百卷綸言之集戢從文海補四
篇制草之名上僚壹戎定業之初下洎五季餘分之
末或退入臣行之列或附登帝集之中風會遞遷雲
章彌綯更復詳稽樂石銘徵丑鳳之軼博考吉金篆
拓黃龍之鼎別翠苔而摹岫嶠披金薤而擢琳瑯寶

新出於曹全訂續增於洪适以及藝文全蜀專羅一郡之賢寰宇太平徧肇九州之記叢殘必拾增採纂繁茂別集於

紫庭種幾盈百甄逸材於

丹軸數更踰千若夫文似而清有盈川之附編庾集體殊而舛如和叔之列表徐箋門櫛雙銘因並登而刪羅袞盧楊兩傳緣歧出而削李華黜比干碑於翰林集中登令狐疏於文泉子內蕭穎士泛舟之序無取陳鴻李子卿張樂之篇必歸錢起記誅茅於邕州亭

欽定全唐文表

七

上援柳集以沐毗陵賀瑞羽於興慶池頭審權文而我穀士類須畫一名不歧雙乃尋辨體一書遂補闕名百賦聞微索隱別類分羣劬已化於延津珠仍還於合浦從此賦成文鹿共知姓屬公孫詩詠牽牛復使卷題枚叔至蒙陽改玉溪生之作猶昌黎效玉川子之詩盧韓既別卷以分收李鄭亦離文而互載又或君臣合撰銘鐫后土之靈祠父子繼成碣表邠王之長史管同官而異曲花接葉以分枝其他李翱平賦之書竇泉述書之賦譬水經於酈氏注有雙行等

地志於班生文多旁綴則亦體仍其舊義取其詳例倣蕭書附彈文以讞牘譌殊載記混傳說於經言慶善本之儲藏讀從

渠閣華羣編而鉤考銜以

珣函至若劉朝霞獻賦於溫泉李樂師上書於華嶽王子安之贊傳大士施肩吾之會記羣仙或體襟於俳優或名疑於依託則必翦榛集翠翠乃蒙茸焚艾留芝芝方茵蠹晉家宣武列眉御贊之篇唐代褚喬續尾臣工之傳劉知幾之通羣史羅昭諫之著兩同或

欽定全唐文表

八

非馬之枝流或良狐之衿裔所貴裁以摯虞之流別證諸劉勰之品題至於黃石傳書碧駟騰謗侮真靈於嵩華託行紀於周秦何取摺摺轉傷鉤鉤惟誌怪搜神之語多涉虛誕與香奩脂盞之詞概從芟汰欽承

聖訓斗車指昧以旋杓恪稟

天裁尺璧抵瑕而屏櫝若乃出風入雅貞符柳子之言佩實銜華聖德韓公之表越王樓迴飛奇藻於宗師雲母泉甘灑清詞於遐叔怨寄湘中之解丹留月下之

題送晁監以浮溟贈瑗公而歸嶽義關比興詞託掄
揚昔曾

載入全函詩有分標之序茲

特垂爲定本文無互見之辭貴別錄以單行慎會函而複
出又若半千名重或疑前代之材長吉詞豪早訂忘
年之契必欲輯通侯之月表繪學士之瀛圖稽名錄
於天隨摭姓源於柳氏而後李膺郭泰證以偕仙老
子韓非斥其同傳臺省金鼇之奏存某月以待核其
人科名玉筍之班因同題而進稽其世亦復隱徵梅

欽定全唐文

表

九

里會考蘭亭六逸尋溪三生訪石或題橋畫壁舊字
籠紗或誌水銘山殘題齧蘚粉榆社在詢耆舊於襄
陽榮戟門傳叙摺紳於洛下則且倣統籤之例並紫
色而兼羅比記載之規附金行而共著下車封宋乞
降修表以名家投閣美新勸進題箋而居首開府幕
年之詞賦司徒去國之山河雖史改以名仍竟官同
而代異此則集登騎省斷從開寶之前碑錄鵠池驗
以晉安之搨復有致堯感憤表聖歸休力窮無迴日
之戈身遠有依天之笏斯固留侯挾策未嘗屈節於

祖龍徵士編詩祇可繫年於司馬等詩函之附編餘
閨義寓繩

先俾文譽之得表孤忠理存彰往且夫舜英堯韭周益公所
以參稽裝仗席飄彭叔夏因而辨證元本雜收甲乙
之集其間頗沿丁子之譌宋有王珪乃併制詞於叔
玠唐無徐勉竟收賦句於修仁緣漢章之號亦肅宗
馬嚴疏載取鮑出之傳於魏略魚豢名臚葺馮志亨
黃錄碑銘下侵元代蒐尹義尚與齊書啟上列陳賢
組表韋琳梁才遠借虎圖李翰蜀本重編可頻瑜見

欽定全唐文

表

十

漁仲之書忘爲複姓宇文迪作蘭成之序羣入前朝
毋嬰毋嬰舛由形似蔣防蔣訪秦以聲同唐元度校
正九經殷盈孫熟精三禮乃名存而姓佚致畛別而
區分著元翰而復出崔鵬昧文成之即爲張鷟鳳兮
本一系也譌三原其多誤之由蓋亦未成之本所愧
削除不盡訂譌有俟於

宸衷習俗相承

詔改得祛其燕說偏旁審定庶期糾謬於吳縝同異參詳
共效決疑於王述以英華爲噓矢仍訂英華以冊府

爲濫觴更箴冊府凡此宏綱細目一稟酌於

睿裁史例經凡悉規隨於

聖證貢琛鵲岫約寸寸之朱絲分繭駕機取純純之錦段

排阜相渥注之馬流電浮雲披沙揀林邑之螢紫磨

黃盞例則同乎文鑑括一世之宏材源則導自選樓

接千年之隆緒此疆彼界異吳訥之強區翦謬疏蕪

退凝真之類纂人人繫傳種種分條刻楮葉以多年

成藝林之勝事臣等業疏提舉職在操觚管窺蒼昊

之高錐畫黃神之廣幸得身依

欽定全唐文表

十一

楓陛手校蒲編黼黻

皇猷邁房杜遭逢之盛笙簧

聖籍企常楊著作之才五辰運啟乎棣通二酉學資其津

逮况復周情孔思道源

談虎觀之經義畫倉鉤文囿

覽鴻都之典探元珠於赤水

甲令星懸掃落葉於青山寅哀冰惕百川宗解導萬壑以

增流五緯躔箕拱

三垣而煥彩合二史甄收新舊一千卷輯文苑文藝之遺

與全詩輝映後先億萬年頌

不顯

不承之盛臣等無任瞻

天仰

聖踴躍歡忭之至謹奉

表恭

進以

聞

欽定全唐文表

十二

嘉慶十九年閏二月

日